

(...)

Au nom de dieu soict sachent tous presantz  
et advenir que ce( )jourd huy **dix septie(me) de febvrier**  
avant midy **mil cinq cens quatre vingtz dix huit**  
regnant henry roy de france et de navarre  
a **montauban** en quercy et dans la ma(is)on de( )la  
donnatrix pardevant moy notaire roial soubzsigne  
et presans les tesmoingz bas nommes constituee  
en sa personne madonne **claire de( )lafont vefve**

.....  
a feu sire **jean dejean** quand vivoict **bourgeois**  
**de montauban** laquelle estant bien dispozee de sa  
personne memoire sens et entandement bien voyant  
ouyant cognoissant et parlant par la grace  
de dieu et considerant les agreables services  
qu( )ell a receu et recoit ordinerement de **marc**  
**dejean son filz** esperant en recevoir a l advenir  
ayant esgard aussy qu( )il luy a este obeissant  
en tout ce que luy a este commande de gre  
et france volonte a donne donne par  
donna(ti)on pure simple faicte entre les vifz a  
jamais yrrevocable aud(it) marc dejean sondict  
filz legitime et naturel a( )ce p(rese)nt et acceptant  
pour luy et les siens a l advenir savoir est la  
moitie de tous et ch(ac)uns ses biens tant meubles  
que immeubles droictz noms voix et actions  
quelzconques que luy p(e)uvent appartenir de presant  
que a l( )advenir par la sucession de feuz sire  
**jean lafont bourgeois** et de madonne **catherine**  
**de leigne ses pere e(t) mere** que droictz de legitime  
et quarte qu( )elle a et luy appartient par le  
**deces de jean et paulle de bardon ses filz et**  
**fille** et de feu **guilhau(me) bardon son premier**  
**mary** que droict de dot par elle apourté sur les  
biens dud(it) feu jean dejean sondict mary et

.....  
59

generalement de tous au(tr)es droictz que luy p(e)uvent  
appartenir par qulque maniere que ce soict soy reservant  
l ususfruict sa vie durant pour en faire par  
ledict dejean sond(it) filz a toutes et ch(ac)unes  
ses volontes tant en la vie q(ue) en la mort  
desquelz biens et droictz pour lad(ite) moitie lad(ite)

donnatrix s en est despoulhee et en a investu  
led(it) donnataire par le bailh de la notte du  
presant contract luy en donnant toute plus  
majeur vallue et s en est constituee les tenir  
au nom dudict donnataire jusques qu )il en aura  
prinse la reale actuelle et corporelle possession  
et la prandre quand bon luy semblera sans  
authorite de justice et de luy en pourter  
bonne et ferme gueran(tie) envers tous competeurs  
et querellans soict au petitoire que possesoire  
jugem(en)t que de hors pour f(air)e valloir et  
tenir la presant(e) donna(ti)on lad(ite) donnatrix et donnataire  
ont requis et consantis que la presant(e) donna(ti)on  
soict insinuee et autorizee tant en courtz du sen(ech)al  
de quercy juge ordinaire dud(it) montauban q(ue) au(tr)es  
courtz que besoing sera et a ces( )fins ont faictz  
et constitues tous et ch(ac)uns les procureurs

.....  
et ch(ac)uns d eux que soict en icelles po(ur) faire toutes  
requi(siti)ons et consantemantz pour la vallidite de( )la  
presant(e) donna(ti)on promettant tenir pour agreable  
et acceptable se q(ue) par eux sera faict avec  
puissan(ce) de substituer et ellection de domicile  
et les rellever indempnes de ladicte charge  
soubz les obliga(ti)ons et submi(ssi)ons a( )ce requizes  
et necessaires et l ont promis et jure leurs  
mains levees a dieu ch(ac)uns en ce q(ue) le concerne  
de( )quoy toutes parties ont requis a moy notaire  
d en retenir acte de donna(ti)on pour servir en temps  
et lieu ce que a este faict en la [pre]san(ce)  
de sires jean vidal et daniel rodier merchandz  
pierre fregefri pierre la vernhe aussy merchans  
et daniel dupuy praticien dud(it) mo(n)tauban  
soubz(sig)nes lad(ite) donnatrix ne scait escripre J. vidal  
rodier fregefri P de( )la vernhe p(rese)nt dupuy p(rese)nt  
dejean acceptant ainsin signes a la cede originalle  
et moy anthoine vacquier notaire roial  
dud(it) mo(n)tauban requis soubz(sig)ne que l ay retenu

Vacquier, n(otaire) r(oy)al